

RAID DE ORIENTACIÓN

XIV LIGA GALEGA

NORMAS ANUAIS 2018

(Aprobadas na Asamblea Xeral de 16 decembro 2017, e modificadas na Asamblea Xeral de 21 xaneiro 2018)

Calendario 2018

Nº	FECHA	ORGANIZADOR	LUGAR	TIPO	OBSERVACIONES
1	17/3	BRIGANTIA AV.	ARZÚA	RACE 1 ETAPA 1 DÍA	---
2	5/5	FLUVIAL	---	RACE 1 ETAPAS 1 DÍA	---
3	15-16/9	VIZHOJA-CORNELIOS	AS NEVES	RACE 2 ETAPAS 2 DÍAS	CAMPEONATO DE ESPAÑA
4	29/9	GALLAECIA RAID	---	RACE 1-2 ETAPAS 2 DÍAS	ELITE > 1 ETAPA, 2 DÍAS AVENTURA > 2 ETAPAS, 2 DÍAS
5	27/10	BUDIÑORAID	---	RACE 1 ETAPA 1 DÍA	---

Información

Na web de FEGADO: <http://fegado.es>

Nas webs oficiais de cada proba.

ARTIGO 1. Requisitos de participación

Para participar nas probas do calendario oficial da Liga Galega de Raid de Orientación e puntuar no seu *ranking*, será obrigado ter 18 anos cumpridos ou máis. Tamén se deberá estar en posesión da correspondente licenza federativa de tempada, **por un club galego**.

En categoría Orienta-Raid, pola súa banda, poderán participar menores con 16 e 17 anos de idade, sempre que debidamente autorizados (pai/nai, etc.) e, ademais, acompañados de polo menos un maior de idade no percorrido.

ARTIGO 2. Regulamentos

A Liga Galega de Raid de Orientación estará suxeita o Regulamento de Raid de Orientación da FEGADO, ás Normas Anuais de Raid de Orientación da FEGADO, ás normas particulares de cada Raid, e no seu caso, no non previsto e aplicable, ó Regulamento de Raid da FEDO.

ARTIGO 3. Normas Anuais

Estas Normas Anuais serán de aplicación en todas as probas que integran esta Liga.

ARTIGO 4. Formato de equipo

Son competicións de equipo coas seguintes categorías:

4.1.- ELITE, categoría oficial obrigada con formato 3+asistencia, tres compoñentes sempre en competición e unha asistencia.

4.2.- AVENTURA, categoría oficial obrigada (intermedia, aínda que podendo compartir percorrido coa categoría elite) con formato 2+1 reserva-asistencia, dous compoñentes sempre en competición e un posible reserva-asistencia, que poderá substituír ós seus compañeiros nos puntos indicados pola organización.

4.3.- ORIENTA-RAID, categoría de iniciación optativa para os organizadores das probas (percorrido fácil, esixencias físicas medias, esixencias técnicas mínimas), con formato 2+sen límites, dous compoñentes sempre en competición e sen límite de compoñentes reservas-asistencias, que poderán substituír ós seus compañeiros nos puntos indicados pola organización.

ARTIGO 5. Compoñentes e nome de equipo

5.1.- Para favorecer a formación de equipos, e por tanto a promoción deste deporte, non haberá ningunha limitación na formación de equipos que participen en cada proba e que NON puntúen no *ranking* galego.

5.2.- Todos os equipos que participen nunha proba do calendario e pertencen a un club FEGADO puntuarán para o *RANKING* GALEGO, sempre que cumpran os requisitos recollidos no artigo 7 destas Normas. É responsabilidade dos clubs organizadores remitir o arquivo completo á persoa encargada de elaborar o *ranking* (indicado no final destas Normas), por correo-e (no formato excell oficial remitido ás organizacións), cos seguintes datos: CLASIFICACIÓNS FINAIS por CATEGORIA, POSTO ACADADO polo EQUIPO, NOME do EQUIPO, CLUB de PERTENZA, N° PUNTOS validados, TEMPO EMPREGADO, MIXTO (SI ou NON), COMPOÑENTES (nome e apelidos, n° licenza anual ou DNI e data de nacemento). Os equipos que non cumpran os requisitos recollidos no artigo 7 destas Normas, segundo a información enviada polos organizadores, non sumarán a puntuación obtida en dita proba no *ranking* galego.

5.3.- Non haberá limitación no número de compoñentes que participen cun equipo que puntúe no *ranking*, pero cada persoa durante a mesma tempada, só poderá competir en

diferentes equipos que puntúen para o *ranking* sempre que estes equipos pertencan ó mesmo club. Só poderase puntuar por equipos dun só club e os puntos permanecerán nese primeiro clube, aínda que o corredor cambie a súa licenza a outro club.

5.4.- Cando un equipo que puntúe no *ranking* da liga modifique o seu nome, deberá informar convenientemente á persoa coa responsabilidade de elaborar o *ranking*, antes da celebración da proba na que participen cun nome diferente, para que se lle poidan sumar os resultados a un mesmo equipo con diferentes nomes.

5.5.- O nome dun equipo deberá conter o nome do club ó que se encontra ligado.

ARTIGO 6. Control de material obrigado

Todas as organizacións terán a obriga de facer un control de material obrigado durante o transcurso da proba, o punto de control será segredo, e realizarase a tódolos participantes sempre que sexa posible.

ARTIGO 7. Clasificación xeral da Liga (*RANKING GALEGO*)

7.1.- Para poder participar no *ranking*, os clubs e os equipos deberán cumprir os requisitos esixidos nos artigos 1 e 5.

7.2.- Existirá un *ranking* independente para as categorías ELITE e AVENTURA (o percorrido optativo de iniciación, Orienta-Raid, non terá *ranking*).

7.3.- Na categoría ELITE, cada equipo poderá sumar un máximo de puntuacións. Este máximo será equivalente ó 80% das probas da Liga (axustando o enteiro por enriba, de xeito que para 3 probas, o máximo de puntuacións é de 3; para 4 probas, o máximo de puntuacións é de 4; para 5 probas, o máximo de puntuacións é de 4; para 6 probas, o máximo de puntuacións é de 5; e así sucesivamente). No *ranking* final aparecerán sempre por diante os equipos que sumen o máximo de puntuacións como equipo mixto, ordeados pola súa respectiva puntuación nos sucesivos raids; a continuación, os equipos ós que lles falte unha puntuación como equipo mixto, de novo ordeados pola súa respectiva puntuación; despois, os equipos ós que lles falten dúas puntuacións como equipo mixto, igualmente ordeados pola súa puntuación; e así sucesivamente.

7.4.- As mesmas disposicións aplicaranse para o *ranking* na categoría AVENTURA, tendo en conta que para ter a consideración de equipo mixto a estes efectos, o equipo debe ser mixto en polo menos o 50 por cen das seccións, redondeando o enteiro máis alto, no seu caso.

7.5.- En caso de anulación dalgunha proba, esta considerárase fora do calendario oficial da tempada, axustando o número de probas puntuables ó 80 % (axustando o enteiro por enriba) do calendario resultante.

7.6.- Poderase sumar un resultado como organizador de proba, aplicándose un factor de corrección, ó final da liga, que consistirá en asignar coma puntuación para a proba

organizada un total igual á media, do 40% do total de probas da Liga, das súas mellores puntuacións (se ten so o 40% ou menos probas realizadas, será a media de todas; se ten máis do 40%, será a media das mellores). Esta media acadarase aplicando ás súas mellores clasificacións os puntos indicados na norma 8.4 para os equipos organizadores de probas de 1 día de duración, e os puntos indicados na norma 8.5 para os equipos organizadores de probas de 2 días de duración (tomando como referencia os puntos asignados á posición resultante das tres mellores). Cada organización informará o encargado do *ranking*, previamente a celebración da proba, qué equipos (co nome dos compoñentes) puntuarán para o *ranking* como organización, sen un máximo deles.

7.7.- Non se inclúe neste cupo dun único resultado ó Xuiz Controlador, ó que tamén se lle aplicará o mesmo factor, podendo éste sumar ata dos probas con factor, das que unha como máximo como organizador.

7.8.- Os equipos que organicen unha proba, poderán considerala como participación mixta.

7.9.- En caso de empate a puntos no *ranking*, terase en conta o número de postos acadados polo equipo como 1º, 2º, 3º ..., etc., nas diferentes probas do calendario, ata desfacer a igualada.

ARTIGO 8. Clasificacións parciais nas probas e cómputo do *ranking*

8.1.- Nas clasificacións parciais de cada proba, por norma xeral cada PC validado terá o valor de 1 punto (caso contrario deberá ser informado nos boletíns da proba e quedar ben especificado no libro de ruta) e os equipos se clasificarán por categorías, tendo en conta 1º o número de puntos obtidos segundo PC validados, e 2º o tempo real invertido co desconto das bonificacións e neutralizacións, caso de que as houbese.

8.2.- Con independencia de cal fose a posición dos equipos na clasificación da proba (que se respetará, ós efectos da propia proba, ó marxe de cal sexa a composición, mixta ou non, dos propios equipos), de cara ó *ranking* aparecerán posicionados primeiro os equipos mixtos, e a continuación os equipos non mixtos, asignando a puntuación que corresponda, segundo os criterios dos apartados 4 e 5 deste mesmo artigo.

8.3.- (Sen contido).

8.4.- En probas de 1 día de duración, para o computo do *ranking* galego, en cada categoría, o equipo que participe obterá un número de puntos en base a súa posición na clasificación xeral (reordeada dacordo co desposto no apartado 2 deste artigo), segundo este criterio:

RAID SPRINT (menos de 8 horas)

1º	90 puntos	6º	75 puntos
2º	85 puntos	7º	74 puntos



3° 81 puntos
4° 78 puntos
5° 76 puntos

8° 73 puntos
9° 72 puntos
... diminuíndo un punto ata o último clasificado.
Desc.* 0 puntos

RAID RACE (máis de 8 horas)

1° 110 puntos
2° 105 puntos
3° 101 puntos
4° 98 puntos
5° 96 puntos

6° 95 puntos
7° 94 puntos
8° 93 puntos
9° 92 puntos
... diminuíndo un punto ata o último clasificado.
Desc. 0 puntos

8.5.- En probas de 2 días de duración, para o computo do *ranking* galego, en cada categoría, o equipo que participe obterá un número de puntos en base a súa posición na clasificación xeral (reordeada dacordo co desposto no apartado 2 deste artigo), segundo este criterio:

1° 132 puntos
2° 127 puntos
3° 123 puntos
4° 120 puntos
5° 118 puntos

6° 117 puntos
7° 116 puntos
8° 115 puntos
9° 114 puntos
... diminuíndo un punto ata o último clasificado.
Desc. 0 puntos

ARTIGO 9. Xurado Técnico (Sen contido)

ARTIGO 10. Organizadores

Clubs da Federación Galega de Orientación (FEGADO).

ARTIGO 11. Inscripción

A correcta formalización da inscrición será responsabilidade de cada equipo, segundo o seguinte protocolo:

- Cubrir o formulario de inscrición.
- Formalizar o pago.
- Enviar formulario de inscrición e xustificante de pago, á organización do evento.
- **PECHE da INSCRICIÓN**, ata o **martes** anterior a celebrar o evento as **22:00 h.**
- **PUBLICACIÓN** listado **INSCRITOS** por parte da organización, antes do **mércoles** anterior a celebración do evento, nunca máis tarde das **22:00 h.**
- **COMPROBACIÓN** por parte do equipo de aparecer correctamente no listado de inscritos.

- Prazo para **CORRECCIÓN** ou reclamacións ata o **xoves** anterior a celebrar o evento as **22:00 h.**
- Formalización definitiva o día da recepción do evento. O equipo que incumpra estes pasos e o día da recepción non estea correctamente inscrito, quedara excluído do evento.

ARTIGO 12. Custo en probas dun día

As probas de 1 día terán unha cota máxima de 54 € por equipo, máis o custo da licenza de 1 día por participante (en caso de non ter licenza anual), se se formaliza antes das 22:00 do martes da semana anterior á proba. A cota sube a 65 euros para as inscricións efectuadas a derradeira semana de prazo, isto es, de 22:00 h. do martes da semana anterior á prueba, a 22:00 h. do martes da semana da proba.

ARTIGO 13. Custo en probas de dous días

As organizacións de probas de 2 días terán unha cota acorde cas necesidades da proba, segundo estipule a propia organización, e un custo na licenza de fin de semana por participante para esta tempada.

ARTIGO 14. Campionato Galego

Unha das probas que conforman a Liga Galega de Raid de Orientación será designada Campionato Galego, e o gañador será nomeado Campión Galego de Raid de Orientación.

ARTIGO 15. Campión Galego

Para poder ser proclamado Campión Galego, nas categorías ELITE e AVENTURA, é necesario que o equipo compita en formato mixto, que todos os compoñentes teñan a licenza federativa anual cun club FEGADO e corran para un clube que se encontre dado de alta na FEGADO.

Disposición adicional primeira

Establécese o principio de obrigatoriedade do uso do sistema SportIdent.

Disposición adicional terceira. *Ranking Galego 2018*

Para a elaboración do *ranking 2018* as organizacións deberán enviar o formulario oficial ó correo-e: isa.diz@gmail.com. Este correo-e será tamén o canle de comunicacións oficiais entre FEGADO e as organizacións ou equipos participantes na Liga para calquera dúbida, proposta, comunicación ou reclamación.